



STRANKA DEMOKRATSKE AKCIJE BIH PARTY OF DEMOCRATIC ACTION BIH

OPĆINSKI ODBOR ZAVIDOVIĆI UL.DR.PINKASA BANDTA B.B.

Tel/fax:+ 387 32 878 970 e-mail: sdazav@bih.net.ba

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

Klub vijećnika

Broj: 28/24

Dana, 29.04.2024. godine

Primljeno:	10-07-2024		
Org. jed.	Kl. ozna.	Red. broj	Br. priloga
01	04	1132/24	

GRADSKO VIJEĆE - n/r predsjedavajućeg GV-a - ZAVIDOVIĆI

PREDMET: Inicijativa za donošenje izmijena i dopuna Odluke o bezbjednosti i organizaciji saobraćaja na cestama Općine Zavidovići

Na osnovu člana 109. i 171.a Poslovnika o radu Gradskog vijeća Zavidovići, podnosimo inicijativu za donošenje izmijena i dopuna Odluke o bezbjednosti i organizaciji saobraćaja na cestama Općine Zavidovići („Službeni glasnik općine Zavidovići“, broj: 10/21), tako što će se **pružanje usluga i održavanje javnih parkirališta uz naplatu, rezervaciju parking prostora, dodijeliti Javnom komunalnom preduzeću „Radnik“ d.o.o. Zavidovići.**

O b r a z l o ž e n j e

Postojećom Odlukom o bezbjednosti i organizaciji saobraćaja na cestama Općine Zavidovići („Službeni glasnik općine Zavidovići“, broj: 10/21), u članu 25., propisano je da se pružanje usluga i održavanje javnih parkirališta uz naplatu, rezervaciju parking prostora za fizička lica vrši pravno lice registrovano za pružanje navedenih usluga na parkinzima dodijeljenim po javnom pozivu, a postupak izbora davaoca usluga provodi nadležna općinska služba putem javnog oglasa na osnovu kriterija koje utvrđuje Gradonačelnik.

Predlažemo da se postojeći član 25. Odluke o bezbjednosti i organizaciji saobraćaja na cestama Općine Zavidovići, izmijeni na način da se pružanje usluga i održavanje javnih parkirališta uz naplatu, rezervaciju parking prostora, povjeriti Javnom komunalnom preduzeću „Radnik“ d.o.o. Zavidovići. Postojeći tekst člana 25. Odluke o bezbjednosti i organizaciji saobraćaja na cestama Općine Zavidovići, stavovi (1), (2) i (3), potrebno je brisati, a novi član 25. trebao bi da glasi:

„ Član 25.

(Pružanje usluga parkinga)

Pružanje usluga i održavanje javnih parkirališta uz naplatu, rezervaciju parking prostora za fizička i pravna lica, dodjeljuje se Javnom komunalnom preduzeću „Radnik“ d.o.o. Zavidovići (u daljem tekstu: davalac usluga), na svim parkiralištima na kojima se vrši naplata parkiranja propisana ovom Odlukom. “

Povjeravanjem pružanja usluga održavanje javnih parkirališta uz naplatu Javnom komunalnom preduzeću „Radnik“ d.o.o. Zavidovići, omogućio bi se značajan priliv sredstava na račun Javnog komunalnog preduzeća, a to su sredstva koja prema trenutno važećem ugovoru, koji je u ime Grada Zavidovići zaključio Gradonačelnik, pripadaju privrednom društvu PROGRES-N d.o.o. Zavidovići u većinskom vlasništvu fizičkog lica.

Na ovaj način, putem vršenja prava nadzora nad javnim preduzećem, koje pripada Gradu Zavidovići kao osnovaču, ostvarila bi se kontrola stvarnog priliva sredstava ostvarenih od pružanja usluga i održavanja javnih parkirališta uz naplatu, te bi se navedena sredstva usmjerila za pokriće gubitaka u poslovanju Javnog komunalnog preduzeća „Radnik“ d.o.o. Zavidovići, nastalih usljed pružanja komunalnih usluga građanima po cijeni nižoj od ekonomske cijene korištenja usluga.

Donošenjem izmjena i dopuna Odluke o bezbjednosti i organizaciji saobraćaja na cestama Općine Zavidovići, naložilo bi se i stavljanje snage Pravilnika o postupku davanja na korištenje javnih parkirališta („Službeni glasnik Općine Zavidovići“ broj 5/2010, 8/2011 i 10/2011 i 8/2015), na osnovu kojeg je pružanje usluga i održavanje javnih parkirališta uz naplatu, povjereno privrednom društvu PROGRES-N d.o.o. Zavidovići u većinskom vlasništvu fizičkog lica.

Istovremeno, podnosimo i Inicijativu za donošenje izmjena i dopuna Odluke o usklađivanju statusa JKP „Radnik“ d.o.o. Zavidovići („Službeni glasnik Općine Zavidovići“ broj 6/2006, 10/2006, 5/2009, 5/2011 i 12/2019), kojom bi se Javnom komunalnom preduzeću „Radnik“ d.o.o. Zavidovići omogućilo obavljanje djelatnosti pružanja usluga i održavanja javnih parkirališta uz naplatu, kao što je to bio slučaj ranije.

Zavidovići, april 2024. godine

PREDSJEDNIK KLUBA VIJEĆNIKA



Hasib Huskić



Broj: 02-04-1138/24-AP-4
Datum: 24.05.2024. godine

GRAD ZAVIDOVIĆI
GRADSKO VIJEĆE ZAVIDOVIĆI
- O v d j e -

Na osnovu člana 109. stav (5) Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/2022 i 1/2023), povodom podnesene inicijative vijećnika Hasiba Huskića za donošenje izmjena i dopuna Odluke o bezbjednosti i organizaciji saobraćaja na cestama Općine Zavidovići dostavljam:

PREDMET: Stav po inicijativi vijećnika Hasiba Huskića za donošenje izmjena i dopuna Odluke o bezbjednosti i organizaciji saobraćaja na cestama Općine Zavidovići, dostavlja se

Inicijativu vijećnika Hasiba Huskića za donošenje izmjena i dopuna Odluke o bezbjednosti i organizaciji saobraćaja na cestama Općine Zavidovići treba prihvatiti.

Inicijativom podnesenom od strane vijećnika Huskić Hasiba predložena je izmjena Odluke o bezbjednosti i organizaciji saobraćaja na cestama Općine Zavidovići („Službeni glasnik Grada Zavidovići“, broj: 10/2021).

Preložena izmjena navedene Odluke se odnosi na izmjenu člana 25., kojim je određen postupak pružanja usluga i održavanje javnih parkirališta uz naplatu na način da se pružanje usluga i održavanje javnih parkirališta uz naplatu, rezervaciju parking prostora, povjeri Javnom komunalnom preduzeću „Radnik“ d.o.o. Zavidovići.

Navedena inicijativa se prihvata.

Međutim, da bi se Odluka o bezbjednosti i organizaciji saobraćaja na cestama Općine Zavidovići izmijenila u skladu sa naprijed navedenom inicijativom, te da bi istu nakon izmjene bilo moguće primijeniti, neophodno je da Gradsko vijeće u skladu sa Zakonom o komunalnim djelatnostima ZDK („Službene novine Zeničko-dobojskog kantona“, broj: 17/2008 i 9/2011), prethodno donese odluku, kojom će JKP Radnik d.o.o. Zavidovići povjeriti obavljanje djelatnosti korištenja javnih parkirališta radi pružanja usluga parkiranja uz naplatu.

Napominjemo da su parkinzi na području Grada Zavidovići, u skladu sa važećom Odlukom o bezbjednosti i organizaciji saobraćaja na cestama Općine Zavidovići, nakon provedenih procedura po javnim pozivima, već dodijeljeni na korištenje privrednim društvima, koja su se prijavljivala na javne pozive i koja su ispunila uslove za dodjeljivanje parkinga na

korištenje radi pružanja usluga parkiranja uz naplatu. Sa navedenim pravnim licima zaključeni su ugovori na određene periode, tako da neki od zaključenih ugovora ističu tek za pet godina.

Iz naprijed navedenih ugovora proizašla su određena prava i obaveze.


Ukoliko bi u skladu sa ovom Inicijativom došlo do izmjene odluke, zaključeni ugovori o dodjeli parkinga bi se morali raskinuti, čime bi privredna društva sa kojima su ugovori zaključeni mogla zahtijevati namirenje štete koju trpe zbog raskida ugovora.

Pored navedenog, napominjemo da u Statutu JKP „Radnik“ d.o.o. Zavidovići (Prečišćeni tekst, broj: SP-29/15 od 28.10.2015. godine i broj: SP-35/16 od 09.09.2016. godine) u popisu djelatnosti, koje navedeno preduzeće može obavljati nije navedena djelatnost korištenja parkirališta radi pružanja usluga parkiranja uz naplatu.

S poštovanjem

Dostavljeno:

1. Naslovu,
2. U spis.

Obradila: 
(Amira Šibonjić)

Kontrolisala: 
(Džeraldina Miličević)



GRADONAČELNIK

doc. dr. Hašim Mujanović



Broj: 02-04-1138/24-AP-5
Datum: 24.05.2024. godine

STRUČNA SLUŽBA
GRADSKOG VIJEĆA ZAVIDOVIĆI
- O v d j e -

PREDMET: Stav po inicijativi vijećnika Hasiba Huskića za donošenje
izmjena i dopuna Odluke o bezbjednosti i organizaciji
saobraćaja na cestama Općine Zavidovići, dostavlja se

U prilogu akta dostavljam vam stav po inicijativi vijećnika Hasiba Huskića podnesenu
za donošenje izmjena i dopuna Odluke o bezbjednosti i organizaciji saobraćaja na cestama
Općine Zavidovići.

Stav po podnesenoj inicijativi dostavljam u skladu sa članom 109. stav (5) Poslovnika o
radu Gradskog vijeća Zavidovići – novi prečišćeni tekst („Službeni glasnik Grada Zavidovići“,
broj: 7/2022 i 1/2023).

S poštovanjem

Dostavljeno:

1. Naslovu,
2. U spis.



GRADONAČELNIK

doc. dr. Hašim Mujanović